

Tuhaqtitauyukhat

TUAVIKHOGO TOHAKTAKTAKHAK

NWT ukuallu Nunavunmit hivulliqtit havaqatigiiktut iluilik nunainni tuktuut munaqhinikkutt

YELLOWKNIFE, NWT (Iidjirurvia 25, 2020) – Minista Avatiliqijitkut unalu Nunamiittutuqat Piquitit (ENR) Nunatsiarmi, Shane Thompson, atauttikkut unalu together with Nunavutim Minista Avatitiliqijitkut Unalu Hivuliqti Joe Savikataaq, katimapkaijutt talvuuna iluilik nunainni tuktuut munaqhinikkut havangnaittitlugu. Hamna katimadjutaat uqautigihimmaaktait uqautigihimajatik Qiktiqqautijuq 2019 mi katimagakmik Kugluktumi, Nunavut.

Katimaaqataujullu NWT kivgaqtuijutt tapkunanga Tł̨ch̨q Kavamanga, Yellowknives Dene First Nation, Łutsel K'e Dene First Nation ukuallu North Slave Métis Alliance.

Katimaqatigihimajait ukuat Nunavunmi munaqhiqatigiiktut havaqatigiiktut ukunanga Nunavut Tunngavikkut Timinga, Kitikmeot Avikturniani UUmajunik Katimajiit ukuallu Kugluktuk Anguhikijiitkunun Katimajiit.

Hivulliqtiujutt uqautigijaiillu qanuqtut ihuaqhijuummiutikhanik tuhapkaidjutikhanik aulattiqatigiinikkut uumajutigut munaqhiqatigiiktut havaqatigiiktut havaqatigiikhimaamingni ikajuqtigiiklutik qaffiinik tuktuutakhanik munaqhilutik imaalu amigaigjuumijanginni avikturiniinni tuktuut tuktuut, ukuallaut Qingauk ukuallu Bluenose-Kivataani tuktuut.

Uqautigihimmaaktainut ilaujut:

- Ihivriuhigit tadjaj Nunavunmi unalu NWT aulattiqatigiinikkut katimajiit uuktuurumajainnik pitqujanginiklu tuktuunik munaqhitikhanik
- Nutaat uqautigihimajait Kingauk tuktuut aulattiqatigiinikkut qanuriliurutikhat, ilaujut Qingauk Tuktuut Uqaudjijit Katimajiit ukuallu Kingauk Tuktuut Aullaninganni Upalungaijautikhat
- Tutktuhiurutikhainnik qaffinik munaqhilutik tahaman Nunatsiami hamanillu Nunavunmi

- Amaqqunik munaqhidjutikhanik anguniarutikhanik akikhanginnik pinahuarutit imaalu qanikkut katitlutik uuktuutikhanik amaqqunik munaqhilutik ukimi aullaninganni Qingauk unalu Bluenose-Kivataani tuktut
- Aulladjutikhanginnut-atuqtaujukhat Angiqatigiingnirmut Nalunaitkutingit (MOU) uvuuna iluilik nunainni tuktuit ukungnangnit Nunatsiarmi Kavamanga (GNWT) ukuallu Nunavut Kavamanga (GN)

Tamarmik Avatiliqijitkut Ministangik ilitaqhijuk munaridjutikhainnik iluilik nunainni tuktuit tamangnit munarijaujukhat pijariaqaqtut akhuurlutik qanuriliurutikhamingnik amigaittunit havaqatigiiktunit, tamainnit amihunit nunallaanit. Uqaqatigiqattarlutik tuhapkaidjutikhaniklu imaalu katimaqattarlutik ikajuutikhainnik amigaikpalliajangit hivitujumut nauvalliajangita tuktut tuktuit.

Uqaqtaujun

“Nunamit iluilik nunainni tuktuit tuktutainik tuktuit ajurnaqhivalliajut, imaalu akhuurutigijakhavut ikajuqqatigiikluta munaqhidjutikhaptingnik nunguttailijanginni tuktut. Katitluta uumajunik munaqhitikhaptingnik havaqatigiiktunit, amigaigjuumivalliajavut uqaqatigiijavut munaqhidjutikhanik havaqatigiikluta tuktut amigaigjuumijanginni anginiqaqtuq nigikhavut, pitquhiqqut, inuuhiqqullu hivunirmi inuutikhaptingnut.”

- Shane Thompson, Nunatsiami Minista Avatiliqijitkut unalu Nunamiittutuqat Piqutit

“Tuktut anginiqaqtut pitquhiptingnut tamangni Nunavunmi Nunatsiamillu – amigaittunun Inuinnarnun, tuktut inuuhimmaaqtitpaktatigut. Tamarmik avikturnivut piqaqtut hakugiiktunik, havaqatigiiktunik uumajunik munaqhidjutikhanik atuqtakhanik atuqhugit Inuit ukuallu aulattiqatigiinikkut havaqatigiiktunit. Havaqatigiikhimmarniaqtugut munarilugit tuktut tuktuit aturnahuarlugu una *Avatittinnik Kamatsiarniq.*”

- Joe Savikataaq, Nunavut Hivuliqti unalu Minista Avatitiliqitkut

Naunaitun Kangiqhidjutikhat

- Qingauk tuktuit iturniaqtauhimajut imaatut 8,200 tuktut 2018mi, imaalu 98 pusantimik ikiglijuummiqtut 1986mit. Bluenose-Kivataani tuktuit ikiglijuummiqtut, imaatut 50 pusantimik pingahuni ukiuni.

- Amigaittut pidjatauvtut tuktut amihuarjuut ikiglijuummiqtut, ilaujut hilakput imaalu hilaup allanguqtirninga, niqikhangit, aanniarutit, anguniaqtauniit, amaqqut aallanillu nirijauplutik tuqqutiqauplutik imaalu pivalliajutikhangit. Amihut pidjatauvtut havalimaitavut kavamaudjutiptigut imaaluuniit inullangupluta. Munaqhitikhat qanuriliurutikhat ihumagiplugit pidjatauvtut ihuaqhaqtaaktaptingnik, ilaujut inungnit pidjatauvtut (anguniarniq, pivallianik imaalu ikialaaqtunik munaqhitikhanik) imaalu uumajunit niriniaqtunit.
- Ukuat GNWT-GN Angiqatigiingnirmut Nalunaitkutingit (MOU) iluilik nunainni tuktut ihuaqtaumik ihuaqhaqhimajunik havaqatigiiklutiklu munaqhitikhanik, munaqhitikhanik imaalu nauvallialirianginni tuktuuvivut tuktut.
- Amihut munaqhitikhanik upalungaijautikhat imaalu qanuriliurutikhat piluqtauhimajut havaqatigiiklutik munaqhitikhainnik ikajurahuarlugit amigaikpalliajanginni iluilik nunainni tuktut, ilaujut:
 - *Kingauk tuktut Humungauvagiakhainnik Upalungaijautikhat*
 - *Munariplugit Tutktut* munaqhitikhanik upalungaijautikhanginnik ukuat Qingauk, Bluenose-uatani imaalu Bluenose-Kivataani iluilik nunainni tuktut tuktut
 - Aulaniinni qaffiinik tuktuutakhanik munaqhilutik nunangani pijakhaungittut anguniaqtakhaungittut Qingauk tuktut
 - Amigaigjuumijut akikhanginnik amaqqunik tuqqutirutikhainnik
 - Uuktuutikhangit aallanik qanuriliurutikhat ikajuutikhanik amaqqunik munaqhilutik munaqhitikhaniklu
- Tuklia amigaininginik qaujihatikhat ukuat Qingauk unalu Bluenose-Kivataani tuktut hanaiqtajuq Imaruqtivian 2020mi.

###

Tuhaqtipkainikkut Uqaqatigivikhat:

Josh Long
 Atan'ngujaq, Tuhaqtipkainikkut, Ilinniarnikkut Ikajuqtiuplunilu
 Avatiliqijikkut Havagvia
 Nunavut Kavamanga
JLong1@gov.nu.ca

Joslyn Oosenbrug
Ataniq, Inungnun Havaktiujut Tuhaqtipkainirlu
Avatiliqijitkut Nunamiittutuqat Piquitit
Nunatsiami Kavamanga Nuatsiami
ENR_Communications@gov.nt.ca